

# ქარელის მუნიციპალიტეტში საგზაო ინფრასტრუქტურის მონესრიგება მიმდინარეობს

21 აპრილი 2021

ქარელის მუნიციპალიტეტში, რუისისა და ურბნისის გზებს, ასევე ქალაქ ქარელში, ყაზბეგის ქუჩას რეაბილიტაცია უტარდება. სამუშაოები რეგიონებში განსახორციელებელი პროექტების ფონდის ფარგლებში დაფინანსდა. პროექტების ჯამური ღირებულება 2 მილიონამდე ლარს შეადგენს. სამუშაოების მიმდინარეობას შიდა ქართლის სახელმწიფო რწმუნებული მამუკა სალარეიშვილი ადგილობრივი თვითმმართველობის წარმომადგენლებთან ერთად გაეცნო. მისი თქმით, პანდემიის მიუხედავად, საგზაო ინფრასტრუქტურის მიმართულებით რეგიონში სამუშაოები აქტიურად მიმდინარეობს. „ქარელის მუნიციპალიტეტში როგორც სოფლებში, ისე ქალაქში მნიშვნელოვანი პროექტები მიმდინარეობს, საგზაო ინფრასტრუქტურის მონყობა ჩვენი ერთ-ერთი პრიორიტეტია, რათა მოსახლეობამ კომფორტულად და მოხერხებულად შეძლოს გადაადგილება“- აღნიშნა მხარის რწმუნებულმა.